



Pinerlutsaaliuinnermut Siunnersuisoqatigiit
Det Grønlandske Kriminalpræventive Råd

PiSiu

Pinerlutsaaliuinnermut Siunnersuisoqatigiit
Det Grønlandske Kriminalpræventive Råd

Ukiumoortumik nalunaarut 2019





Imarisai

Imarisai	2
Aallaqqaasiut	3
PiSiup siunertaa	3
PiSiup 2016-2020-mut pilersaarussiaa – Siusissukkut iliuseqarneq	4
<i>Nakuuserneq aammalu kinguaassiuutitigut pinerlunnerit</i>	4
<i>Aanngajaarniutininik atonerluineq</i>	5
<i>Qarasaasiatigut pinerluttarneq</i>	5
PiSiup 2020-mi sulinissaa	6
PiSiup allattoqarfia	6



Aallaqqaasiut

Inatsisinik atuutitsinermut Ministerimut aammalu Naalakkersuisunut – Namminersorlutik Oqartussat.

PiSiup suleriesissaa pillugu nalunaarut nr. 1178 9. december 2008-meersumi § 7 naapertorlugu PiSiu ukiut tamaasa Inatsisinik atuutitsinermut Ministerimut aammalu Namminersorlutik Oqartussanut nalunaarusiortassaaq, Siunnersuisoqatigiit ukiumi qaangiuttumi sulisimanerat pillugu.

PiSiu naalisarlugu isumaqarpoq, Pinerlutsaaliuinnermut Siunnersuisoqatigiit.

Uani ukiumoortumik nalunaarusiami 2019-imi pisimasut annerit eqqartorneqassapput. Suliat PiSiup pilersaarussiaani 2016-2020-mut atuuttumut, ukiumi kingullermi ingerlasumut, ingerlanneqarsimasut eqqartorneqassapput.

2019-imut nalunaarusiaq matumuuna tunniunneqarpoq.

PiSiup siunertaa

PiSiu 2009-mi pilersinneqarnermi kingornatigut Nunatsinni pinerlutsaaliuinnermik suliaqarsimavoq isumannaallisaanermi suliniutit, paasititsiniaanerit aammalu misilittakkanik paarlaasseeqatigiinnikkut kiisalu sumiiffinni SSSPKmik ataatsimiititalianik (maanna pinaveersaartitsinermut ataatsimiititaliat) siunnersuinikkut.

Pinaveersaartitsinermi sulineq sammivilearniarlugu PiSiup takorluukkat anguniakkallu uku aalajangersarnikuuai:

- **Takorluugaq:** Pinerluttarnerup appartinnissaa siunertaralugu pinaveersaartitsilluni sulinisamat nukittorsaallunilu isummersitsineq
- **Anguniagaq:** Paasisitsiniaasarnikkut aammalu misilittakkanik paarlaasseeqatigiinnikkut kiisalu sumiiffinni SSSPK-mik ataatsimiititalianik (maanna pinaveersaartitsinermut ataatsimiititaliat) siunnersuinikkut pinerlunnernik pinaveersaartitsineq

PiSiup 2016-2020-mut pilersaarussiaa takorluukkamut anguniakkamullu pitsaanerpaamik taperseruinissamat suliaavoq. Pilersaarussiaami pingaarnerpaat nassuiaatigineqassapput, aammalu 2019-imi pisimasut pilersaarusiap naleraanut attuumassuteqartut nassuiaatigineqassallutik.



PiSiup 2016-2020-mut pilersaarussiaa – Siusissukkut iliuuseqarneq

PiSiup 2016-2020-mut pilersaarussiaa ukiumut kingullermut appakaakkaluttualerpoq. Pilersaarussiaa nutaap aallartisarnerni, piffissami aggersumi maannakkumut pilersaarussiaa sinaakkutarisat iluanni sulineq ingerlaqqissaaq.

PiSiup 2016-2020-mut pilersaarussiaa ”Siusissukkut iliuuseqarneq” qulequtaraa. Pilersaarussiaa taanna atorlugu PiSiup Nunatsinni meeqqat inuusuttuaqqallu ukkatarai, taakuummata nunatta siunissai. Meeqqat ukkatarinerisa saniatigut PiSiup pinaveersaartitsinermi angajoqqaanut sammisumik sulivoq, meeqqat toqqissimasumik peroriartornissaanut annertoorujussuarnik akisussaaffeqartuummata.

Pilersaarussiaa naleqqat sisamaasut ukuusimapput:

- Nakuuserneq aammalu kinguaassiuutitigut pinerlunnerit
- Iluanaarniutigalugu pinerlunneq
- Aangajaarniutinik atornerluineq
- Qarasaasiatigut pinerlunneq

Pilersaarussiaa iluani naleqqat najoqqutaralugit PiSiup 2019-imi assigiinngitsunik sammisaqarlunilu suliniuteqarpoq naleqqat malillugit sulinermi ingerlanneqarsimasunik. Sammisat suliniutillu taakku ataani nassuiaatigineqarput, 2019-imi ”Iluanaarniutigalugu pinerlunneq” mut tunngasunik immikkut ittunik suliniuteqartoqarsimanngilaq.

Nakuuserneq aammalu kinguaassiuutitigut pinerlunnerit

Peqatigiiffik Kalaallit Meerartaat suleqatigalugu PiSiup 2019-imi suliniut TASSA / STOP VOLDEN aqutigalugu nakuuserarneq ukkatarivaa. 2019-imi PiSiup aammalu Peqatigiiffik Kalaallit Meerartaat suleqatigiinnissamik isumaqatigiissuteqarput.

PiSiup ingerlaavartumik PAARISA oqaloqatigisarlugi nuna tamakkerlugu pilersaarussiaa ”Killiliisa” suleqataaffigaa, tamatumani kinguaassiuutitigut pinerluttarnerit pinaveersaartinneqarnerat annerusumik sulii ukkatarineqalersippaat. PiSiup pilersaarussiaa aammalu Killiliisamik sulineq imminnut qanittumik ataqatigiippat, taamaammallu ukkatarisamut suleqatigiinneq pissusissamisuginnarpoq.



Aanngajaarniutininik atornerluineq

PiSiua augustimi nunat avannarliit aanngajaarniutit pillugit isumasioqatigiisitsinnerannut peqataavoq, tassanilu annermik hashimik aammalu imigassamik atornerluinerit pinaveersaartinniarlugit ilisimasanik katersisoqarpoq. Isumasioqatigiinneq PAARISAmiit aqqissuunneqarpoq, taamaammallu isumasioqatigiinneq Nunarput tamakkerlugu siunnersuisoqatigiit, ataatsimiititaliat aammalu oqartussaasut tukimut pinaveersaartitsinermit siammasissumik suliniuteqarnissamut PiSiup PAARISAmik allanillu suleqatigisartakkanik suleqateqarluarnerata ingerlatiinnarnissaanut aqqutissaalluarsimavoq.

Qarasaasiatigut pinerluttarneq

Qarasaasiatigut pinerluttarnerup pinaveersaartinneqarnerani annermik Red Barnet Grønlands suleqatigalugu ingerlanneqarsimavoq. 2019-imi suleqatigiinneq qarasaasiatigut pitsaasumik pissuseqartarnissaq aammalu qarasaasiatigut qinngasaarisarnerit nikassaasarnerillu pinaveersaartinnissaat pillugit Nunatsinni meeqqat atuarfiini ilinniartitsissutissanik kinguneqarpoq. Ilinniartitsissutit 2019-imi Ilinniartitaanermut Pisortaqarfik suleqatigalugu LærerIntrakkut saqqummiunneqarnikuupput, taamaallillutillu Nunatsinni ilinniartitsisut tamarmik ilinniartitsissutinik pissarsisinnaasimallutik.

PiSiua majimi isumasioqatigiinnermut The Nordic Research Council for Criminologymit (NFsK) aqqissorneqartumut peqataavoq. Isumasioqatigiinneq qarasaasiatigut pinerluttarnernut tunngavoq, taamaattumillu PiSiup peqataanera qarasaasiamik atuinerup qaffakkiartuinnarnerani Nunatsinni pinerluttarnerit pinaveersaartinnissaat siunertaralugu, qarasaasiatigut pinerluttarnerit pillugit ilisimasanik katersinissamik siunertaqarpoq.

Danmarkimi Pinerluttaalisitsinermit Siunnersuisoqatigiinnik suleqateqarneq

PiSiup Danmarkimi Pinerluttaalisitsinermit Siunnersuisoqatigiinnik suleqateqarneq suli qaninnerulersinniarlugu sulissuteqarpoq. Suli at arlalippassuupput pinerlunnernik pinaveersaartitsinermit suliniutaasut, Danmarkimi Pinerluttaalisitsinermit Siunnersuisoqatigiit suliarisartagai, pillugit ilisimasanik annertuunik PiSiup iluaqutigisinnaasai. Periarfissaq taanna atorneqanngilaq, taannalu periarfissaavoq ilisimasanik atortunillu, kalaallinut naleqqussarneqarsinnaasunik, paarlaasseqatigiinnissamut qaninnerusumik suleqati-giinnissamut. Piffissami aggersumi suliaq taanna ingerlaqqissaaq.

Piffissami aggersumi PiSiup pilersaarusiassap 2021-2024-p ineriartortinnissaanut Danmarkimi Pinerluttaalisitsinermit Siunnersuisoqatigiinni ilanngunnikuuaa, tassanilu Pinerluttaalisitsinermit Siunnersuisoqatigiit misissueqqissaarnermit immikkoortoqarfia pilersaarusiormit aallarniutigalugu sulinermit PiSiup allattoqarfia attavigisartagaatut pingaarnertut inissisimavoq.




PiSiup 2020-mi sulinissaa

PiSiumi 2020-mi ilaasortat ilaasa inissisimaffii naasussaapput. Taamaammat 2020-mi siunnersuisoqatigiit nutaat aallartissapput, taakkulu pilersarusiassap nutaap ineriartortinnissaanut atuutlernissaanullu suliaqassapput. Pilersarusiassamik suliaqarneq PiSiup 2020-mi suliaani annertuunut ilaasaaq.

Aammattaaq PiSiup suliniut "Chat Paaralugu" Red Barnet Grønland suleqatigalugu ingerlateqqisavaa, tassunga atatillugu 2019-imi meeqqat atuarfiini nukarlernut, akullernut angajullernullu ilinniartitsissutinik pilersitsisoqarsimalluni.

PiSiup allattoqarfia

PiSiup allattoqarfia ingerlatsinermi Kalaallit Nunaata Politiivini inissisimavoq. Allattoqarfik Pinaveersaartitsinermi immikkoortoqarfimmiippoq, sulisulli arlallit suliaassanik agguataarillutik suliaqartarput.

PiSiu sinnerlugu

Bjørn Tegner Bay
Formand for PiSiu